

佩文齋廣羣芳譜卷第九

穀譜

黍

原 黍

汜勝之書云黍者暑也待暑而生暑後乃成也說文云黍可為酒從禾入水為意六書精蘊云禾下

從余象細粒散垂之形古今注云禾之黏者為黍

一名秬

爾雅云秬黑黍

一名秠

爾雅云秠

一稭二米注云此亦黑黍但中米異耳

有黃白黎三色米皆黃比粟微大

北人呼為黃米屬火南方之穀性溫益氣補中久食令

人多熱小兒忌食他如牛黍燕領馬革驢皮稻尾大黑

黍秀成赤黍皆黍之異名也

增

廣志有濕屯黃黍有

田黍謳云鶯鵲之名

齊民要術今俗有鶯

闕字

黍半夏

黍

博雅

黍穰謂之稊

原

苗穗與稷同宜肥地多收

刈後乘濕卽打則稭易脫遲則稭著粒上難脫

彙考 **原** 詩王風彼黍離離 曹風芄芃黍苗陰雨膏之

小雅 我黍與與 **大雅** 誕降嘉種維秬維秠 恒之

秬秠是穫是畝 **周頌** 豐年多黍多稌 **增** 詩小序華

黍時和歲豐宜黍稷也 **禮記曲禮** 黍曰薺合 **疏** 黍曰

薺合者夫穀秫者曰黍秫旣輒而相合氣息又香故曰

薺合也 **原** **王制** 秋薦黍 **月令** 仲夏之月農乃登黍

天子乃以雛嘗黍羞以含桃先薦寢廟 **注** 必以黍者黍

火穀氣之主也 **增** **周禮天官** 羊宜黍 **疏** 羊宜黍者羊

味甘熱黍味苦溫甘苦相成故云羊宜黍 **左傳** 其藏

之也黑牡秬黍以享司寒 **國語** 黍而不黍不能蕃庶

原史記封禪書管仲說威公曰古之封禪鄒上之黍

北里之禾所以爲盛

增漢書律歷志度者分寸尺丈

引也所以度長短也本起黃鍾之長以子穀秬黍中者一黍之廣度之九十分黃鍾之長注師古曰子穀猶言穀子秬卽黑黍中者不大不小也言取黑黍穀子大小中者率爲分寸也**原**宋書符瑞志黃帝時南夷乘白鹿來獻秬鬯

增隋書隱逸傳李士謙字子約趙郡平

棘人也李氏宗黨豪盛每至春秋二社必高會極歡無不沉醉喧亂嘗集士謙所盛饌盈前而先爲設黍謂羣從曰孔子稱黍五穀之長荀卿亦云食先黍稷古人所尙容可違乎少長肅然不敢弛情退而相謂曰旣見君

子方覺吾徒之不德也。唐書王績傳績有奴婢數人

種黍春秋釀酒養鳧雁蒔藥草自供。山海經廣都之

野后稷葬焉爰有膏黍膏稷。言味好滑如膏 驪頭

之國維宜芑芑穆楊是食。註芑黑黍今字從禾 原家

語孔子侍坐於魯哀公設桃具黍公曰以黍雪桃也孔

子對曰夫黍五穀之長也祭先王以爲上盛果有六而

桃爲下祭先王不得入於廟丘聞之也君子以賤雪貴

不聞以貴雪賤今以五穀之長雪瓜蓏之下是侵上忽

下也。增列子鄒衍在燕有谷地美而寒不生五穀鄒

子吹律而溫氣至今傳名曰黍谷。原韓子吳起欲攻

秦小亭置一石赤黍於東門外令人能徙於西門外者

賜之上田宅人爭徙之乃下令曰明日攻秦能先登者與之大夫賜之上田宅於是攻之一朝而拔

增

韓子

韓昭侯之時黍種嘗貴眇有昭侯令人覆廩廩吏果竊黍種而糶之

淮南子渭水多力而宜黍

焦氏易林

中田高黍以享王母受福千億所求大得

下田種黍

芳華當齒大雨林集紛榮滿壅

春秋佐助期黍神名

倂佞姓蘭郝

春秋說題辭精移火轉生黍夏出秋改

黍者縮也故其立字木入米爲黍酒以扶老

東觀漢

紀承宮字少子瑯琊人嘗將妻子入華蓋蒙陰山谷耕種禾黍臨熟人就認之宮便推與而去由是發名

古

今注和帝元興元年黑黍穗一禾二實或三四實生任

城得粟二斛八斗以薦宗廟

博物志黑墳宜麥黍

紀年書惠成王八年雨黍

文中子藝黍登場歲不過

數石以供祭祀賓客之酒也

談藪王元景大醉楊遵

彥曰何大低昂元景曰黍熟頭低麥熟頭昂黍麥俱有

所以低昂

農桑通訣

秬鬯一亩此言黍之爲酒尙矣

今有赤黍米黃而黏可蒸食白黍釀酒亞於糯秫又北

地遠處惟黍可生其莖穗低小可以釀酒又可作饌粥

黏滑而甘凡祭祀以爲上盛貴其色味之美也

原成

化元年天雨黑黍於襄陽

集藻

賦增

晉嵇含孤黍賦

余慎終屋之南榮有孤黍生

焉因泥之濕遭土之潤宿昔芽蘖滋茂甚速塗燥根淺

忽然萎隕深感此黍不韜種以待時貪榮棄本寄身非
所自取凋枯不亦宜乎

文賦散句原漢張協七命大梁之黍瓊山之禾唐稷播

其根農帝嘗其華增劉穎魯都賦禾黍油油杭族垂

芒殘穗滿握一穎盈箱魏王粲登樓賦華實蔽野禾

黍盈疇

四言古詩原晉束皙華黍黹黹重雲習習和風黍華陵

巔麥秀丘中靡田不播九穀斯豐奕奕玄霄濛濛甘

雷黍發稠華亦挺其秀靡田不植九穀斯茂無高不

播無下不植芒芒其稼參參其穡穡我王委克我民食

玉燭陽明顯猷翼翼

詩散句增唐李白東臯春事起種黍早歸田杜甫耕

田秋雨足禾黍已映道賴知禾黍收已覺糟床注

原耿緯古道無人行秋風動禾黍宋蘇軾今年秋應

熟過從飽雞黍金趙元還思釀新黍甕面挹秋江

唐曹鄴黑黍春來釀酒飲青禾刈了驅牛載增韋應

物禾黍積東菑宋邵雍黃黍秋正熟陸游種黍蹋

麴蘖唐白居易陶令有田唯種黍韋莊主人饋餉

炊紅黍宋王安石連山沒雲皆種黍陸游黍酒新

成壓小槽

別錄增齊民要術凡黍稷田新開荒爲上大豆底爲次

穀底爲下地必欲熟再轉乃佳若春夏耕一畝用子四

升三月上旬種者爲上時四月上旬爲中時五月上旬

爲下時夏種黍稷與植穀同時非夏者大率以耒赤爲

候諺曰耒離黍時燥濕候黃塲種訖不曳撻常記十月十一

月十二月凍樹日種之萬不失一凍樹者凝霜封著木

樹還以月三日種黍他皆倣此十月凍樹宜早黍十一

月凍樹宜中黍十二月凍樹宜晚黍若從十月至正月

晚黍悉宜也苗生隴平即宜杷勞鋤三遍乃止鋒而不

耩多折也刈稌欲早刈黍欲晚稌晚多零落皆即濕

踐之稌踐訖即蒸而裒之不蒸者難春米碎蒸則易黍

宜曬之令燥濕聚則鬱凡黍黏者收薄稌味美者亦收薄難

春雜陰陽書曰黍生於榆六十日秀秀後四十日成

黍生於巳壯於酉長於戌老於亥死於丑惡於丙午忌

於丑寅卯稌忌於未寅孝經援神契云黑墳宜黍麥尙
書考靈曜云夏火星昏中可以種黍菽 汜勝之書曰
種黍必待暑先夏至二十日此時有雨疆土可種黍一
畝三升黍心未生雨灌其心心傷無實黍心初生畏露
令人對持長索槩去其露日出乃止凡種黍覆土鋤治
皆如禾法欲疎於禾按疎黍雖科而米黃又多減及空
令概雖不科而米白且均熟不減更勝疎者汜氏云欲
疎於禾其義未聞 崔氏曰四月蠶入簇時雨降可種
黍禾夏至先後各二日可種黍蟲食李者黍貴也 **原**
製用三月三日取黍麴和菜作羹能避時氣黍米性黏
可釀酒可作餠可蒸煮爲糕糜五月五日俗以菰葉裹

成稷名角黍祭三閭大夫遺製也 合葵菜食成痼疾

合牛肉白酒食生寸白蟲 穰及根煮汁解苦瓠毒浴

去浮腫 醉臥黍穰令人生厲落眉髮

稷

原稷一名稌 六書故云稷稌同聲實一字也本草云稷從叟叟進力治稼也種稷者必叟叟進力

也南人承北音呼稷 一名粢 爾雅云粢稷疏 關西謂之

縻 音靡見唐本草 冀北謂之緊 音牽去聲廣雅云緊縻也 苗似蘆莖高三四

尺有毛結子成枝而疎散外有薄殼粒如粟而光滑色

紅黃米似粟米而稍大色黃鮮麥後先諸米熟炊飯疎

爽香美故以供祭食之益氣安中宜脾利胃涼血解暑

壓丹石毒屬土脾之穀也脾病宜食多食發冷病

本草稷與黍一類二種也黏者爲黍不黏者爲稷稷可作飯黍可釀酒猶稻之有粳與糯也其色有赤白黃黑數種黑者禾稍高俗通呼爲黍子不復呼爲稷矣北邊地寒種之有補河西出者顆粒尤硬〔廣志〕稷有赤白黑青黃鶯鴿凡五種破減稷逼麥稷此二者以四月熟〔齊民要術〕按今俗有驢皮稷〔博雅〕稷穰謂之穰

彙考〔原〕詩王風彼稷之苗〔小雅〕我稷翼翼〔增〕禮記

曲禮稷曰明粢〔疏〕稷曰明粢者稷粟也明白也言此祭祀明白粢也〔月令〕孟秋之月農乃登穀〔註〕穀謂稷也

〔周禮〕天官豕宜稷〔疏〕豕宜稷者豕豬味酸牝豬味苦稷米味甘甘苦相成故曰豕宜稷〔隋書〕天文志稷五

星稷農正也取乎百穀之長以爲號也 穆天子傳天

子西征至于赤烏之人獻稷麥百載 天子北征入于

曹奴之人獻稷米百車 天子西征至于鷄韓氏爰有

樂野溫和稷麥之所草 天子東南翔行馳驅千里至

於巨蒐之人獮奴獻秋麥千車膜稷三十車 原呂氏

春秋飯之美者有陽山之稷 增風俗通米之神爲稷

故以癸未日祠稷於西南水勝火爲金相也 孝經說

稷者五穀之長五穀衆多不可徧祭故立稷而祭之

尚書考靈曜春鳥昏星中以種稷秋虛星昏中以收歛

白虎通稷者得陰陽中和之氣而用尤多故爲長也

獨斷稷神蓋厲山氏之子柱也柱能植百穀帝顓頊

之世舉以爲田正天下賴其功周棄亦播植百穀以稷
五穀之長也因以稷名其神也〔齊民要術〕穀者總名
非止爲粟也然今人專以稷爲穀俗名之耳〔爾雅翼〕
稷者五穀之長以其中央之穀月令中央土食稷與牛
五行土爲尊故五穀稷爲長〔兼明書〕或問曰稷旣百
穀之神不言穀而云稷者何也荅曰稷屬土而爲諸穀
之長故月令謂之首種首種者種最在前也諸穀不可
徧舉故舉其長而爲言之以等之也若直以穀言則爲
人所褻慢也

別錄

增

兩鈔摘腴

毛詩傳注先集維霰曰霰稷雪也或

謂之米雪謂其粒若稷米然

〔本草衍義〕粳米其香可

愛故取以供祭祀然發故疾只堪作飯不黏其味淡

原 稷三月種耘四遍七月熟四五月亦可種但收少遲

耳刈稷欲早八九月熟便刈少遲遇風卽落 忌與瓠

子附子同食

蜀黍

原 蜀黍一名蜀秫

種自蜀來故以蜀爲名農政全書云其黏者近秫故借名爲秫

一名

蘆稭一名蘆粟一名高粱

形類黍稷而高大如蘆荻故有諸名

一名木稷

一名荻梁

廣雅云荻梁木稷也

種宜卑下地春月早種得子多秋

收莖麤高丈餘狀似蘆荻而內實葉亦似蘆穗大如帚

粒大如椒紅黑色米性堅實黃赤色熟時先刈其穗稽

成束攢而立之方得乾米有二種黏者可和糯秫釀酒

作餌不黏者可作糕煮粥可濟飢亦可養畜莖可織箔
編席夾籬供爨梢可作笊帚殼浸水色紅可以紅酒有
利於民者最博性溫溫溫中溫腸胃止泄瀉

彙考增博物志三年種蜀黍其後七年多虵

別錄增農政全書玄扈先生曰蜀祿在北方地不宜麥

禾者乃種此尤宜下地立秋後五日雖水潦至一丈深
不能壞之立秋前水至卽壞故北土築堤二三尺以禦

暴水

附錄玉蜀黍原作御麥附麥後按御麥乃別名實蜀黍類也今移入此

原玉蜀黍一名玉高粱一名戎菽一名御麥以其曾經進御故名

御麥出西番舊名番麥按農政全書又作玉米玄扈先生曰玉米或稱玉麥或稱玉蜀秫從他方得種其曰米